

Povelja o rodnoj ravnopravnosti

Potpisnici ove povelje se obavezuju da će zajedno raditi na dostizanju ravnopravnosti polova i da će se tome posvetiti unutar zadataka koji su im povjereni u okviru Projekta jačanja sestrinstva u Bosni i Hercegovini.

Osnova povelje je rodno odgovoran strateški pristup („gender mainstreaming“) koji je jedno od rukovodećih načela projekta, a ujedno i zakonska obaveza koju nalaže Zakon o ravnopravnosti spolova u Bosni i Hercegovini. Ženama i muškarcima se moraju obezbijediti jednake mogućnosti, a pri tom se u obzir moraju uzeti njihove ponekad različite potrebe. Povelja je utemeljena na uvjerenju da dostizanje ravnopravnosti polova vodi ka boljem, pravednijem i prosperitetnijem društvu.

Potpisnici povelje priznaju sljedeće:

- Pravo svih na visok nivo fizičkog i mentalnog zdravlja, te utvrđuju da je pristup kvalitetnom zdravstvu i socijalnoj zaštiti od velike važnosti za ostvarivanje ovog prava.
- Da zdravstvene i socijalne usluge moraju uzeti u obzir različite potrebe muškaraca i žena kako bi se obezbijedile jednake mogućnosti za njihovo zdravlje; Također priznaju da ove potrebe ne proizilaze samo iz bioloških razlika, već i iz različitih životnih i radnih uslova i stereotipnih ponašanja i pretpostavki.
- Pravo na ravnopravnost polova u svim aspektima zapošljavanja, uključujući proces zapošljavanja, plate, uslove rada i napredovanje u struci unutar zdravstvenog sektora, uključujući sve organizacije i institucije koje su partneri projekta.
- Pravo svih na obrazovanje i pristup stručnim i stalnim obukama, kao i potrebu da se eliminiše svako stereotipno shvatanje uloge žena i muškaraca u svim oblicima edukacije.

Molimo da nas kontaktirate u slučaju da Vam je potrebna dodatna obuka o rodnoj ravnopravnosti, rodu i zdravlju.

IME I PREZIME, funkcija i ustanova (odštampano)

POTPIS _____

DATUM _____